

# FLOREAN DAL PALAZZ

Al salte fur la Joibe - Ogni doi numars 5 centesims l'un - Bez subit

Si vendin là via da l'Edicule e dal principal Tabachins dal centro a la via di stor Luigi Ferri.

**Abonamens** par l'interno: un An quatri francs; 6 mes doi francs; par l'estero il doppi.

**Interzions:** Interzisi cu l'Administrazion. Manda i bez cun letare raccomandade o in vagha postal al semplice indirizz: — **Amministrazione dal Florean dal Palazz, Udina.**

## Florean in Borg di Cicogne

Sott chest titul tal numar passat o hai publicat un articul che nol jere di persone di redazion, tant l'è ver che lu precedevin lis peraulis: *mi mandin par publicà.*

Chest articul, che forsi al è il seguit di altris, al ha fatt sì che si sconviarzi, atribuinsi da sè i fas contas e fasinsi cussì un biel onor, un individuo che o lu lassi di qualificà a so timp da l'Autoritat giudiziarie.

O chest individuo, credind di distrui i fas, al ha pensat di lassasi trasportà a prepotenzis da lis quals al rispuindarà denant di cui che i tocjarà.

Par altri o declarì che lis prepotenzis, eseguidis a tradiment, e a lis quals al fo rispuindut di sante reson, no valin a fari ferma su la strade da la veretat. O sai che lis veretas a qualohidun no i comude di sintilis, ma e seugnaran adatasì a sintilis claris e netis. Si parçe cumò, e zà che la han olude, bisugne che si fasi la lus plene, interie; lns meridiane. E cheste si farà tal proçes che al va a inciaminassi e pal qual o hai racolt elemens di diviarse nature.

Al sarà un processut pìcant, che al divertirà unmont i miei letors, e al farà viodi a dagg, anca a chei che no uelin viodi, che Florean nol calunie mai; che la so opare e jè dedicate cuntri l'imposture, l'imoralitat, la coruzion, e un esempi dal sp trionfo lu han i udines tal esit dal proçes de Maghe. Chesg e son fas e no peraulis.

Cumò starin a viodi l'esit dal gnuv processut.

## Marie Luigie a Florean

No ise ore forsi che la Comune fases il so Gazometro e no continuà a aglonfà i franzès par spietà il messie *Siore Lus Elettriche*, che cui viaz e provis si varès fat une part dal lavor; lis provis bisugne lasalis fa da lis grandis citas e da cui che ha bez di butà vie.

Dal Consei Provincial no hai capit nuje, o vedei ben al Cafè gnuv prime dal Consei gran moviment e dopo o hai lett che si è tratat di nomins e Cumissions, ma o crodevi di aiuti a ce fa che chell Inzegnirut Provincial al è stat quasi un mès a studià al Palazz Cernazai; o crodevi che si trasas par viodi se al foss adatat pal Prefett, ma pensavi fra me: no bastaressie une Cumission di Conseirs cul Prefett? O isul stat par studià ches statuis, o quadris, par viodi se chell al podès sta ben par la Sale dal Consei, che a diti il ver no mi displasarsè parçesche e servires anca ad iluminaju, come si viod tes Academicis.

L'altre sere e' passavin doi, e discorevin sul Palazz Cernazai; un al dis mi par adatat; e ce confront di là che al stà, ma no tu sas che al par si pensi di metilu dongè al Teatro, miei di là che al è, ma ce confront cul Palazz Cernazai tant che da la gnott al di, e pur ciar Florean viod tu che si spiegghi chest misteri; a diti il ver se al foss viv Pavone mi sares a lui rivolt.

Sint anca cheste.

L'altre sere dos fantacials e passavin denant di me; une e dis; ciale ches dos fiis di Marie che mi par che vain! E no hano rason? Al par che il lor niid al vei di sciarassì parçesche il lor

Z. al è Gesuit; ma al sta fabricant a Gurizze  
un Convent di Gesuitis e cussì lis ritirarà là,  
larin a fiodillis.

Ma crodistu di cognosillis là, che saran vistudis  
come lor; dopo e vignarà voe a lis maris del  
Gorge o di St Spirit, e che no li vegni il givigi  
a lis ancelis e lor diretor. Gurizze e je beade  
parceche i Gesuis e puartin bez. E i bez in  
chest mond e son dutt!

## Leterature di Florean

Pal gnuv an 1886.

Del vottcentottantesis  
Il pronostich l'è preat fatt....  
Jò us al dis in un sol tratt  
Senze faus tant bacillà.

Prin l'unviar verrà indenant  
Pien di fredd e di criure;  
Un unviar di fa paura  
Specialmentri e puara int.

Ma passat, la primeverè  
Di promessis sarà plene,  
Frescoline e tant serene  
Pe campagne un ver tesaur.

Ne l'istat cui grang culors  
Il raccolt in abbondanze  
Al darà gnove speranze  
Al artist e al contadin.

Po' l'autun — e la vendemie  
Senze dubi ben larà....  
Dal bon vin si bevarà  
Sore dutt a bon merciat.

Po' da capo il fredd adasi  
Vegnàr a qui dis plovos.  
In citat, ai mons nevos....  
Ma del rest.... In quant al rest.

Cioùt in plen — crodeimi — l'an  
Al sarà più biell che brutt —  
Dugg varan maggior costrutt  
Dal lavor, dal afadia.

E si ben che la miserie  
No spariasi li par li,  
Si farà mancui sinti  
Tant in ville che in citat.

Par l'Americhe lontane  
Nissun pensì ad emigrà....  
Al sarà ce lavorà  
Stand benutt a ciase cò.

Nè crodeit che lis lujaris  
Propri là sedin piciadis! —  
Lis campagne, ocupadis,  
E rigurgitin di int.

Pes citas i bez no plovìn,  
Dutt al costè fur di mud,  
Nè 'l stranir l'è ben vidud....  
Po disinlu cà, fra nò,

Al val più un franc in patrie  
Che no dis lontan di jè! —  
Domandait, se olees savè,  
Cui pàl mond al è zà stad.

Cbeste patrie, cheste Italie  
Cussì bielle par nature,  
Sedi, invece, nestre cure  
Fale ricche ogni di più.

Dinsi, duncè, cun coragio  
Al lavor!.... Fasin di tradis!....  
Viarzarin des gnovis stradis  
Al amor, e pas, ... ai bez!....

## Da la Zae di Florean

Mi scrivin :

« Hastu vidut, Florean miò, il lavor che fasin  
donge il palazz Bartolin? Mi par fin da l'impus-  
sibil che no tu lu veis vidut, perchè che a di la  
veretat al merite amirat pe so magnificenze, gran-  
diositat, lusso; un ver lavor roman insume.

E disin a cussì che chest lavor stupend, che  
al reclamarà l'atenzion e l'amirazion d'at udinea,  
dai provincial e dai furistira, al vignarà a costà,  
quand che al sarà fuit, une cagnere di nuje,  
une bagatele e disin i venezians, cussì come dis  
mill franchis.

Ceustu mai che sein par noaltris, sioras come  
che sin, cù lis finanzis dal Comun unmont ben  
mitudis, a butà vie in oparis di lusso, la miserie  
di dis mill francs. Al è istess che giavai un pèl  
a un bò, no ise vere tu Florean?

Ma jò o stenti a orodi che sein di spese dis  
mill francs; mi par une esagerazion di butà vie  
tang bez in oparis di lusso, mentri e vin tang

lavors di pure necessitat di fa, come par esempi lis chivichis tai borge dula che no son e che lis spietin inutilmentri da tang agns, seben che pain lis lor tassis e impuestis come chei di Marcetvieri e di Bordoiee.

Cheil po che o hai sintut a critica ance sun chest argoment, al è che dugg chesg bez si spindia par fa une vore, dedicate a che funzion, par la qual, no podind fole, un imperator roman al ha dovut muri.

E dula fasino cheste vore? Donge, tacat, a un palazz che al conten il Museo, la Biblioteche comunel e altris bielis robis! Come che han di divertisi i letora de Biblioteche chest istat, quand che sintaran i effuvios che e vignaran a deliziazu sott il nâs, mentri e scugnaran spalancà i balconi, par no muri di ciald o a-ciafojas!

Baste, al ben si, pò di nome ben, e tu, Florean, amant simpri da la veretat, tu mi faràs un plazé a publicà chestis mes ciacaris, che del rest lis hai sintudis in diviars lugs da la nestre ciare citat. »

★

Corpe dal diaul, si che sin sint di bielis! Jo o soi usat a viodind di ches cul pel, ma cheste po no mi leve ju e o hai olut accertami di persone.

O hai simpri savut che tes qiasis di predis l'interess e lis speculazions e son, come che si dis a l'ordin dal di, ma che une sur di un plevan si presti, no sai se gentilmente o cun qualchi fin di lucro, a surogà in t'una buteghe il non di un falt, si sacre de vanzei che chest al è masse.

Epur e jè vere come che al lûs il soreli. La sur di un plevan e ha mitut parsore la buteghe il so brav non e cognon in lug dal paron che al è lât in malore. Naturalmentri chest al continue come prime, cui sa po a oe condizions!

E saran, o imagini, condizions lis plu buinis, lis plu andans, visto e considerat che la sur di un plevan e devi jessi animade di dute la caritat cristiane!

★

O ricev e o publichi:

« Mi è stat riferit che lis beghinis e vessin fatt movi un plevan da Udin par favor chest pre Z..... Presentadis al Vescul mediant une sur

di chest Plevan, che jè il factotum da la parochie, e vedi vude la sfaciatagine di la sole, poi torna domandand a l'arcivescul la rispueste. Ma brav l'omp, i ha dade une rispueste ben juste che noi ven voe di fassi la patrocinatrice di chestis dia di Marie, e di altris ritrovatos ciatas da la congregazion di S. Antoni, la qual sperave di ridusi la citat in un convent di muinils, diretis dai lor paris confessors.

E no saressie ore di fa tass chestis bestiis vitudis di femine! Dula sino mai lās cu la cucurcie! Come si impazziassin mai chestis feminis de zornade! »

★

Ciò, ce maraveis! E jè une ciosse che suoc ognidi. Une fantate e ha il moros e avind il moros al po nassi anco che la frutate e ciapi fug. Ce ul di? Fasseit cont che i toci come i jè tociat a qualchi ancelle che dopo, pal mal di stomi, e ha scognut fa la cure dal vin bianco.

E fin ca noi è nuje di mal: lis ciossis e van come il lât, l'aghe e corr pal so canal.

Ma cheil che al è curios, al è che cheste fantate no ul assolutamentri jessi grävide, e dis che ha bisugne di une cure, e va a fassi viodi dai miedis i quai mi prein di di che si avei la memorie e che si ricuardi se il so moros, in qualchi moment di afetos traspuart, noi vès in sbaglio oltrepasat il coffin.

A mi, come Florean, mi par che podarès stâ!

★

Mi scrivin:

« Sastu, Florean, di che camarele grande, more, in centro, une petegolone numar un? Fole mi trai se on d'hai vidudis di compagnis. Malafeno. I oleve il ben di dio prime che finissi di fa ches benedetis spesis; o sfidi jo, si tacave cun dutis lis babis de citat e no la finive plu. E se la parone i eridave e leve lagnansi che jere triste. Finalmentri, stuifs e strachs, la han mitude in libertat. Sei laudat il Signor! »

★

O ricev e o publichi:

« Se tu sintissis oe davo che fasevin ciartia massaris in plazze. Une, morute, e diseve da parone che jere un biell sestiu. Se tu fossis stat

là tun sintivis di ogni color. Une blonde e disève che la parone i faseve fa un servizi che noi commodave par nùje; la brune e disève che chei trujohès de so parone noi plasevin; la castagne e diceva che se vignivè qualchiduu in classe la mandave a spass; la more an sà plui bielis di dutis. An d'ha confadis umont di bielis, ma no hai podut capi ben, parèche in chell moment la bande militar e sunave nne bieie polche. O hai nome capit che sberlave: che brute... *cussì e cussì*, jo o soi stade simpri segrete, cumò o nei sbrocami. E vie e vie che no la finivin plui ches maladetis lengatis di massaris. Zà e son dutis compagnis, quand che van vie d'une famee, e han simpri di sporeiassi la boce di conta in piazze chell che san e chell che no san. Ce ustu fa, Florean, bisagne compatilis.»

★

O ricev e o pùblihi par dovè di imparzialitat, simpri pront, e in qualunque càs a lis pnestis retifichis domandadis cu la volude creanze:

«No crodevi sicuramentri di lei tal to reputat giornalutt une ciosse che no foss conforme a la veretat; ma sicome o sai che tu ses stat mal informat riguard a ciartis robutis che sucederin in Borg di Glemonè, cussì mi erod in dovè di metiti su la strade juste, e che dugg e sepin come che jè. Lis pars e forin cambiadis, il zovin e vecio oh'al sei al tind precisamentri al siei afars e al lasse che la int, zovine e vece che sedi, che vadi pe so strade».

★

«Mi mandin pe pueste preand che o inserisci: «Al è un sioron in piazze Sant Jacum che al merite proprii che tu i dèls la medae. Quare mo? E lassin a ti la soiette, ma corpo e ance di pio la ha fate grùesse? Nufemane che al si è mitut a pittura sol la buteghe? E no si è mingo no vergognat di fassi viodi cussì tangar, lùd che al po disponi di tang bez! E son ciossis che parin fin incredibilis dula che pò rivà l'umage avarizie. E di che al è stat a Viene zà pòs dis: che al vevi imparat la vie a fa il pitor? O pur che te capital da l'Austrie al vevi vidut i parons a pittura so i lis lor buteghis, ance se son milionaris? Il fatt sta che jè une vergogne, une vergogne marze. Al è ver che ognun al è paron di fa co

che al ul in ciase so: ma par die in cheste miserie di lavors, che i artig e mancìn quasi afat di comissions, comè podesò ve, voaltris, siorons, il coragio di ddi a qualchiduu che us domande di judalu: *va a vore, che tu ses zovin, tu pus lavorà*, se i siors, i parons, e fasin ance chell che varessin di fa i artig par ciapà la polente? Rispuindeimi!»

★

Dunco no saves la nuvitat? Us e dirai jo, se no la saves. La nestre Stazion ferroviarie, dula che han fatt tang lavors, che han di fa tang abelimens, tantis comoditas, e continuara a jessi illuminade a petrolio.

Sissignori! No us pararà vere, ma e jè cussì. A petrolio; a petrolio, come l'ultime Stazion da l'ultim vilagio di dutis lis stradis feradis dal mond e di altris lugs ancemò.

Une stazion, capolinee di tre divarsis diramazzions: Cormons, Pontebe e Italie, e che darà sfogo a lis lineis di Udin-Cividat e di Udin al mar, e continuara, a glorie e onor dai nestris *patres patriae*, dai nestris rapresentans, a jessi illuminade a petrolio, e fa che lùs che gioidin cumò, che quand che al mance il lusor di lune si riscie di copassi ogni moment.

Bras, bras, e bras! I furistirs po che rivan a la nestre Stazion, tant decantade, tant nomenade, e che la viodaran illuminade cul misar petrolio come Buri e Pasian Schiavonesch, si fassaràn un concet namont bon de nestre citat. E favelin simpri di tutelà il so decoro, la so civiltat, e ce sso jo tantis altris bielis robis. Puar Udin!

## Servizi telegrafich particular di FLOREAN

**Beozie, 27. (Ore di finile).** Plevan no ul meti non Ricioti bambins. Dis che al è cognon. Ciale ce nuvitas! Al par di jessi tornas sott l'Austrie che i plevans fasevia alt e bass. Par altri dovut sotomettisi.

VINCENZO LUCCARDI, *Diretor responsabil.*

Stampario Jacob e Colmegne.